



Šukares akhardo! Kai angluni škola!



Lašo djes!

Te les te phires ande angluni škola si jekh nevi thaj laši vriama tuke thaj vi če šavorenge. Ame žukeras ke si te avel tumenge jekh lošaki, pačaki thaj sičarimaski vriama antrego familjake.

Ande kado skiripe kidam ketane informacia thaj laše gindura kai šai del tumara familja jekh lašo drom.

Te si tut pušimata šai des duma le manušenca kai či angluni škola.

Šukares akhardo!



Indexo

Le šavorengo sičaripe thaj vazdipe ando centro

Angluni školaki buči.....4

Kana čire šavora lenpe ande angluni škola

Kade žalpe anglunes.....6

Praktišno informacia

O xabe ande angluni škola.....8

Naj voja akhorengi.....8

Gada pala vriama.....8

Sodi kerel o than kai škola?10

Puterimaski vriama.....10

Le Apps kai vušorin o djes.....10

Te nasvajvola čo šaoro.....11

Jekh lašo kezdipeangla so lelpe e škola.....12

Ketane buči po mištipe le šavorengo.....14

Organizacia thaj odpovedžalnipe.....15

Kontaktoski informacia.....16

Le šavorengo sičaripe thaj vazdipe ando centro

Ande angluni škola sičol čiro šavoro neve buča thaj vazdelpa le khelimasa, kerdimasa thaj rodimasa korkoro jekh ženo, ande grupa thaj ketane le mai phurenca.


Ande angluni škola zjal sičaripe kai del stimulacia thaj kerel te roden mai dur le šavora. E edukacia del avri katar la školako sičarimasko plano. Khelimasa las sama te šai uštavas le šavorengi truš thaj maro te sičon.

Le šavorengo intereso thaj trubupe ašel sar ame planisaras e edukacjii. Šai ginaves mai but pa la školako sičarimasko plano po Skolverkets weboski rig. Ande kado plano si naprimer mai but informacia pa la školako dikhipe thaj gol.

Sa le šavoren si čačipe

Sa le šavoren si len čačipe te avel len jekh hodinime trajo, te na avel či soski diskriminacia thaj prasamo.

Ame zuraless keras buči pe le šavorengi čačimata thaj te žas kontra pe sa o prasamo.



**Lašo djes! Ame
sikavas tuke e
angluni škola!
Av amentca!**



Kana lelpo čo šavoro ande angluni škola

O perva razo ande angluni škola lelpo kusa jekh introdukcia te šai biris tu thaj čo šavoro te avel tumen posibilita te prinžaren le školaren, la škola thaj le rutinuria. Tela kadia vriama te si tut pušimata šai pušes katar le školaria thaj šai phenes so trubuj čo šavores.

Pala kudo si tut prava te vorbis le školarenca kai keren buči kai angluni škola. Katka telal si eksepluri so šai ažukeres tuke.

- » **Djeseske kidimata** – Skurto vorbipe pa čo šavoresko djes. Le tuke vriama kusa le školerentca te kamesa te vorbis mai but.
- » **Vazdimasko vorbipe** – Pa čo šavoresko mištipe, trubupe, vazdipe thaj sičaripe.
- » **Niamongo kidipe** – Informacia pa la školako dikhipo, gol thaj aktualnio projekturi.
- » **Školake pušimata** – Jekh data o berš avel tuke enketo pa pušimata pa so ačares pa angluni škola. Čire atveturi žutil amen te vortos thaj te vazdas e aktivitacia.

Kana o Abbis lape ande angluni škola lesko
dad lesa sas anda gor. Ketanes šuvenas opre
le gada pe le Abbesko gančo svako yokor.

O Abbis drago leske te skiril thaj e angluni
vriama skirilas o Abbis butivares varíkasa
anda le školaria. Žipon le kaver neve kolegura
kelenaspe kruglom. Pala jekh vriama vi o
Abbis kamelas te khelelpe lenca.

Kana sas e vriama te hodinin atunči o Abbis
sas kino thaj sovel čira. Kana sičilo la školasa
atunči lesko dad lape te prinzarele le školaren
thaj ačardape mišto ke dikhla ke o Abbis
mišto leske ande angluni škola.



Praktišno informacia

O xabe ande angluni škola

Ande angluni škola podajis xabe yokor, mimeresko xabe thaj maškaruno xabe svako djes. O xabe lelpa pala o Livsmedelsverkets konsiljo kašte te šai avel le šavoren jekh sastimasko xabe svako djes. Ame podajis xabe kai si andre but zelenimata thaj malade fruti thaj zelenimata pala e vriama.

Trubuj če šavores specialnio xabe?

Atunči trubuj te mukhes informacia pa če šavoresko trubepe pe webboski rig: goteborg.se/matiforskolan.



Akhorengo ašajipe

Naj voja te les tusa vaj te des varikas akhor, mandelo thaj sesam ande angluni škola. Akhor, mandelo thaj sesam šai keren zurale allergisko reakcia. O ašajipe si vi andre thaj vi avrial, antrego djes.

Gada pala e vriama

Ande angluni škola sam but avri thaj anda kudo si važno te avel ne manušešs gada pala e vriama. Mišto si te len pesa extra gada ande angluni škola kašte čo šavoro kana godi te avel mai feder.

**Semnosar
če šavoreng
gada lenge
anavenca.**

O Jojo drago leske xabe. Ande angluni škola xal o Jojo sa so šon angla les. Le školaria dikhen ke vi leske kolegura troman te zumaven kana si o Jojo lenca. Varikon zumaven broccoli pe angluni data thaj jekh kaver lel mai but solzo. O Jojo aba xala sa.

Te xal o manuš ketane si važno ande angluni škola. Le školaria thaj le šavora vorbin pa svako fialo zipon xan. Če forma si o kolompiri? Kaski vriama si te lel peske fusuj? O xabe ankelel jekh posibilita te sičos svako fialo de katar e šib ži kai e matematika. Numa vi keres tuke laše vortača, vi kana xas.



Sodi kerel o than ka škola?

Svako šion pučines jekh pučin anda če šavoresko than. E počin naližil pala sodi love les andre. Vi kudolako/ kudolesko love ginavdjon kai trajil tusa makar ke naj voi/vov čače niamuri le šavorenge.

Tu san odpovežalnio te bišaves andre le čače papiroši thaj važno si te phenes te si ke parudjila e situacia ande la familjaki ekonomia vaj buča vaj te si ke muklan tume vajke trajin ketane, trubuj te bišaven so mai sigo birin. Te si ke naj tumen jekh taksime počin šai skirin 0 (zero).

Mai but informacia arakhes ando: goteborg.se/forskoleavgift.

Puterimaske djesa

Tela milaj phandaven but anglune školi. Te trubuja čire šavores škola tela kudi vriama si uni anglune školi puterde tela milaj.

Štarvar o berš si la škola studimaske djesa. Atunči e angluni škola si phandadi thaj čo šavoro si libro. Te si ke naj tut posibilita te bešes khere, atunči čo šavoro šai žal kai jekh škola kai si puterdi vi tela le studimaske djesa.

Tu šai arakhes aktualnio vakans thaj studimaske djesa po: goteborg.se/forskola.

Apuri kai vušuril o djes

Unikum Familja

Ando apo Unikum Familja šai dikhes če šavoresko djes, vazdimos thaj šičarimos ande angluni škola, direkto ando telefono. Avel tuke mesažuri pa so kerdjolpe ande angluni škola thaj kaver važno bajuri kai trubuj te žanes.

Le tele e Unikum Familj po Apo Store vaj Google Play vaj po webo start.unikum.net.

IST Home Skola

Pher andre čire šavoreske časuri ande angluni škola ando apo IST Home Skola. E vriama kai pheres andre le tu pala či buči, rodes buči vaj niamongo libirimos (inklusivno tradimaski vriama).

Le šavorengi vriama trubuj te lel pe pala kana putrel thaj pandavel e škola thaj kana keren buči le školaria. Te trubuja te paruves e vriama šai keres kado ando apo o mai čira duj kurke mai anglal.

Te na desa ando gor le aposa šai mukhes jekh ram kai e škola. Čigne parujimasa šai keres jekh djes mai anglal. Kana tu san libro vi čo šavoro si libro.

Te nasfajvola čo šavoro

Čo šavoro trubuj te avel sasto te šai biril te khelelpe thaj te avel ande le aktiviteturi ande škola. Kana čo šavoro si nasfalo trubuj sar mai sigo te des duma kai škola. Mar vaj ker jekh sms thaj ker registracia ando apo IST Home.

Kana trubuj čo šavoro te bešel khere?

- » Te si ke le školaria dikhen ke o šavoro pra kino lo vaj pra kovloj te šai kerel la školake aktiviteturi.
- » Kana si gorončski – o šavoro trubuj te avel bi gorončskengo o mai čira 24 časuria mai anglal sar te avel palpale.
- » Nasfalipe kai perdjol.
- » Kana si pajasle reni vaj eksema – o šavoro šai avel palpale kana sučile le reni.
- » Peresko nasfalimos thaj šaglimata vaj diarea. o šavoro trubuj te xal normalnio thaj te avel sasti ande o mai čira 48 časuri.
- » Phen amenge kana si te avel palpale čo šavoro kai škola, te šai dikhas te si dosta školaria po than.

Angluniškolaki administracia lel pe pala Vestroski Gotathemeski regiaki rutini pa vuzipe.



Jekh lašo kezdiŋe angla škola

O rodimos sikavel ke e edukacia ande angluni škola si zuraŋes važno ande le šavorengi škola. Ande jekh khelimasko gor le šavora vazden peske haliarimata ande naprimer le šiba.

Le studiuri sikaven ke le šavora kai gele ande angluni škola si len jekh hazna ande šiba thaj matematika kana len pe ande škola.

Ande angluni škola sičon le šavora kado:

- » **ketanipe**
- » **hulaven bajura**
- » **lašaren problemuri**

O ginipe vazdel le šavorengo haliarimos thaj vorbimo.

O Mille nakhel katar jekh anzarimasko
than po drom ka škola. Si te keren
jekh nevo sportivo kher. Mange drago
phenel o Mille, but šai dikhel o manuš.
Tela o kidipe phenel o Mille peske
kolegonge pa le hunajimaske mašinki.

Pe teharin sa e škola gele te dikhen
sar anzaren. Kana aven palpale kater
e škola o Mille thaj uni koleguri linepe
vixon te anzaren ande ba.



Ketanipe pe le šavorengo mištipe

Sa le šavoren si le šajipe te vazden pe thaj te avel lenge mišto ande angluni škola. Ande angluni školaki administracia si specialpedagoguri, logopedaguri thaj psykologuri thaj ame keras buči kusa o BVC, o socialio thaj kaver aktiviteturi kai si kontakto le familjenca.

Žutipe kai familji

Kames te zuriare o sičaripe čire šavorenga vaj trubuj tut žutipe ando dadipe?

ABCmalajimata thaj kaver kursuri den tipsuri, ketanipe thaj konsiljo – digitalnio vaj po than. Ginav mai but pa so si paša tu ando: goteborg.se/foraldrastod.

Univar trubuj le familjien thaj le šavoren mai žutipe, naprimer kana si pa le šavorengo vazdimos thaj sastipe. Te si ke kai čo šavoro si mai but bajuri katar mai but aktiviteciji atunči šai si tumen čačipe kai jekh SIP (ketane individualnio plano). Puš tuke katar o šerutno la školako.

Ande angluni škola naj voja te purinas avri variso

Sa le žene kai keren buči and škola naj voja te purin thaj te hulaven avri personalnio informacia varikasa avrial.

Sa le šavora si surancime

Sa le šavora ande angluni škola kai si ramome ando Göteborgo si surancime pe aksidanturi 24 časuri. E suranca si ferdi pe aksidanturi. Ginav mai but pa šavorengo- thaj studentonge suranci ando: goteborg.se/forskola.

Organizacia thaj odpowiedzialnoš

Angluni školaki administracia porončil pe biš puterde angune školi, pašti 360 komunalnio anglune školi pe 25000 šavora ando Göteborgo.


Ande angluni škola si but fialuri rola bučake kai keren buči ketane te šai den le šavoren jekh vojako, pačako thaj sičarimasko djes.

O šerutno la školako si kai porončil thaj lel sama te žal e buči mišto.

O školari porončil te žal le sičarimasko plano angle thaj te lel sama ke vorta žal e pedagogisko buči angle. Vi le školaria thaj vi **kudola kai len sama katar le šavora** si pe kudo te vazden le šavoren ando sičarimos.

Šai ginaves mai but pa organizacia thaj pa buči ando angluni školaki administracia ando Göteborgs Stad, weboski rig goteborg.se/forskoleforvaltningen.





Si tut pušipe?

Le kontako ka školakoservicio
goteborg.se/forskoleservice

Telefoski vriama lujine–paraštune kl 8–16.30
Telefono: 031-365 09 60

Göteborg Stads kontaktcentro

Katka šai žutin tut pe but šiba.
Telefono: 031-365 00 00

Pe goteborg.se/forskola arakhes
mai but informaciapa anglune školi
ando Göteborg thaj šai mukhes
ginduri pa angluni škola.

**Halosar školaki
administracia- po
Facebook thaj LinkedIn
nevimata thaj dikhimos
pa so kerdjol pe ando
Göteborgs Stads
anglune škol.**

